

HELAIAN PENDEDAHAN PRODUK

<p>Anda diingatkan untuk membaca Helaian Pendedahan Produk ini sebelum anda membuat keputusan untuk memilih Bil Kredit Perundingan. Sila pastikan anda juga membaca terma dan syarat muktamad di dalam Surat Tawaran ("LO") dan/atau Perjanjian Kemudahan atau Terma dan Syarat dalam borang permohonan. Anda dengan ini diingatkan supaya sentiasa mendapatkan nasihat undang-undang bebas anda sendiri. Sila dapatkan penjelasan daripada wakil sah AmBank (M) Berhad ("Bank") sekiranya anda tidak memahami mana-mana bahagian dokumen ini atau terma umum yang dinyatakan di sini.</p>	AmBank (M) Berhad Bil Kredit Perundingan Tarikh: 30 November 2023
--	--

1. Apakah yang perlu saya ketahui tentang produk ini?

Bil Kredit Perundingan ("CBN") merupakan pendahuluan atas Surat Kredit ("LC") oleh bank perunding dengan rekursa kepada Benefisiari LC apabila dokumen patuh LC dikemukakan.

Bank boleh berunding dan memberi pendahuluan kepada Benefisiari LC ("Pelanggan") atas bil dikeluarkan secara tampak atau LC usans yang dikeluarkan oleh bank pengeluar dan diiktiraf oleh Bank untuk modal kerja sebelum mendapatkan bayaran daripada bank pengeluar.

Apabila Pelanggan mengemukakan dokumen, AmBank akan menyemak dokumen tersebut untuk mengelakkan daripada terdapat sebarang percanggahan dan Pelanggan akan menerima nilai untuk dokumen mereka daripada Bank apabila perundingan atas pengemukaan patuh oleh Bank untuk LC tampak atau selepas diterima oleh bank pengeluar untuk LC usans.

CBN boleh dikeluarkan atas had Pelanggan atau bank pengeluar tertakluk kepada kelulusan terlebih dahulu daripada Bank.

2. Apakah yang akan saya peroleh daripada produk ini?

- Tertakluk kepada terma kemudahan CBN menurut LO yang dikeluarkan oleh Bank kepada anda, anda akan menerima pembiayaan CBN yang: -
 - a. tertakluk kepada had kemudahan CBN;
 - b. didenominasi dalam Ringgit Malaysia ("RM") atau mata wang asing ("FCY") yang diterima oleh Bank;
 - c. untuk membiayai dokumen jualan domestik dan/atau rentas sempadan tampak/ usans atas LC yang dikeluarkan oleh bank pengeluar yang diiktiraf oleh Bank;
 - d. dikenakan faedah yang berdasarkan Kadar Pinjaman Asas ("BLR") atau Kos Dana ("COF") yang dihitung pada kiraan atas baki harian; dan
 - e. bertempoh bagi suatu tempoh sehingga yang diluluskan, tertakluk kepada syarat usans diterima oleh bank pengeluar yang tidak boleh melebihi 6 bulan dari tarikh penghantaran atau mana-mana pengecualian mengikut peraturan semasa pertukaran asing oleh Bank Negara Malaysia ("BNM") yang BNM benar dan umumkan di laman sesawang rasminya di www.bnm.gov.my/fep dari semasa ke semasa.
- Pengendalian CBN di bawah LC adalah berpandukan *Uniform Customs and Practice for Documentary Credit (UCP)*.

3. Apakah peranan dan tanggungjawab saya?

- Menyemak semula LC dan meminta Pembeli agar meminda terma atau tarikh LC yang tidak dapat dipenuhi sebelum pengiriman.
- Memastikan Pembeli dan dokumen perkапalan (termasuklah dokumen pengangkutan) adalah sah dan barang berada dalam keadaan yang baik dan sempurna.
- Memastikan penyerahan dokumen mematuhi terma dan syarat LC eksport untuk mengelakkan percanggahan dan pembayaran tidak dibuat/diterima daripada bank pengeluar.
- Memastikan bahawa LC eksport dihadkan kepada Bank atau boleh dirunding secara bebas oleh mana-mana bank sekiranya CBN diperlukan.
- Memastikan tiada kaedah pembiayaan lain yang diperoleh menggunakan transaksi yang sama.

- Meminta LC disahkan sekiranya anda tidak selesa berurus dengan bank pengeluar.
- Anda dinasihatkan agar memahami garis panduan UCP.
- Memastikan dana akaun anda mencukupi dan memberi kebenaran kepada Bank untuk mendebit akaun anda di Bank untuk sebarang caj, komisen, yuran dan/atau belanja tunai langsung Bank berhubung pembiayaan CBN termasuklah pembayaran pada tarikh matang sekiranya tiada bayaran daripada bank pengeluar.
- Memohon kemudahan CBN dan memastikan kemudahan tersebut tersedia dan had mencukupi untuk pengeluaran pinjaman CBN.

4. Apakah yuran dan caj yang dikenakan?

No.	Yuran dan Caj	Tarif
1	Komisen	0.1% daripada amaun bil Minimum: RM50 Maksimum: RM100 (Bil FCY); RM300 (Bil RM)
2	Yuran pra-semakan dokumen	RM50 sahaja
3	Caj untuk menggantikan pertukaran bil mata wang asing yang dibayar dalam mata wang asing	0.1% daripada nilai invois. Minimum: RM50 Maksimum: RM300
4	Caj SWIFT	
	Untuk akaun Pelanggan	Dalam Malaysia: RM20 sahaja Di Luar Malaysia: RM40 sahaja
	Untuk akaun pihak niaga asing	Caj setara dengan USD20
5	Bayaran pemindahan (IBG/RENTAS)	RM2 sahaja
6	Bayaran Pos	Dalam Malaysia: RM5 sahaja Di Luar Malaysia: RM20 sahaja
7	Perkhidmatan kurier	Dalam Malaysia: RM15 sahaja Di Luar Malaysia: Tertakluk pada destinasi.
8	Caj Tertunggak	RM50 sahaja untuk setiap transaksi.

Yuran atau caj yang dinyatakan adalah tidak termasuk mana-mana cukai kerajaan yang mungkin dikenakan oleh Kerajaan Malaysia pada masa sekarang mahupun pada masa akan datang. Sekiranya kerajaan mengenakan apa-apa cukai ke atas yuran atau caj disebabkan oleh pindaan undang-undang atau apa-apa faktor yang lain, Bank berhak mengubah atau menyemak semula amaun yang perlu dibayar.

5. Bagaimana sekiranya saya gagal melaksanakan tanggungjawab saya?

- Hasil kutipan yang diterima di bawah LC akan digunakan untuk melunaskan tunggakan CBN. Walau bagaimanapun, Bank akan mendebit akaun anda untuk melunaskan tunggakan CBN dan sebarang faedah atau caj yang terakru ke atasnya sekiranya bank pengeluar tidak membuat bayaran pada tarikh matang.
- Jika anda tidak mempunyai dana yang mencukupi untuk melunaskan CBN pada tarikh matang, Bank akan mengenakan caj Faedah Mungkir menurut kadar yang dinyatakan dalam LO atau kadar seperti dinasihatkan oleh Bank bermula dari tarikh matang sehingga tarikh bayaran penuh dilunaskan.
- Sekiranya akaun CBN anda masih tertunggak selepas 3 bulan, status kemudahan-kemudahan kredit anda di Bank akan dikategorikan sebagai pinjaman tak berbayar.
- Bank akan menggantung penggunaan apa-apa kemudahan kredit yang diberikan kepada anda.
- Bank boleh menggunakan haknya dan mulakan proses pemungutan/tindakan undang-undang yang merangkumi, tetapi tidak terhad kepada, prosiding kemuflian/penggulungan (jika jumlah tunggakan mencapai had tertentu). Aset anda mungkin dibekukan dan disita sekiranya diisyiharkan muflis/dikenakan penggulungan.
- Tindakan undang-undang ke atas anda juga mungkin menjaskan taraf kredit anda dan menyebabkan pinjaman kredit anda lebih sukar atau mahal.

- Hak tolak selesai: Bank berhak untuk menggunakan mana-mana baki kredit dalam akaun anda yang aktif di Bank untuk melunaskan jumlah tunggakan mana-mana kemudahan di Bank. Walau bagaimanapun, jumlah tolak selesai akan diberitahu kepada anda sebelum dilaksanakan.

6. Bagaimana sekiranya saya melangsaikan pembiayaan sebelum tempoh matang?

- Faedah CBN akan dihitung sehingga tarikh pelunasan pembiayaan.

7. Adakah saya memerlukan perlindungan insurans?

- Ya, sekiranya perlindungan insurans tersebut merupakan kewajipan anda menurut syarat yang anda persetujui dengan Pembeli anda.

8. Apakah risiko utama?

- Pengemukaan dokumen yang tidak mematuhi terma LC akan menyebabkan perjanjian dengan bank pengeluar menjadi tidak sah lalu menyebabkan bank pengeluar tidak membuat bayaran atau penerimaan.
- LC tidak terikat dengan kontrak jualan atau perjanjian antara pihak.
- Bank hanya berurusan dengan dokumen sahaja dan bukannya barang yang menjadi dasar.
- Bagi CBN yang dikeluarkan atas LC yang tidak disahkan, pendahuluan yang diberikan oleh Bank adalah dalam bentuk rekursa penuh kepada anda dan Bank berhak untuk mengutip amaun tunggakan CBN serta sebarang faedah atau caj daripada anda sekiranya bank pengeluar tidak membuat bayaran.
- Naik turun kadar FCY.

9. Adakah saya memerlukan penjamin atau cagaran?

- Penjamin harus disediakan, sekiranya perlu.
- Cagaran harus disediakan sekiranya perlu dan mestilah diterima oleh Bank.

Nota: Syarat di atas adalah bergantung pada kebolehpercayaan kredit anda.

10. Apakah yang perlu saya lakukan sekiranya terdapat perubahan pada maklumat untuk menghubungi saya?

Adalah penting untuk anda memaklumkan kepada Bank tentang sebarang perubahan maklumat hubungan anda bagi memastikan semua surat-menyerat sampai kepada anda tepat pada masanya. Untuk bantuan, anda boleh menghubungi/memberi makluman secara bertulis kepada Pengurus Perhubungan masing-masing.

11. Di manakah tempat untuk mendapatkan bantuan dan pembelaan?

- Jika anda bercadang untuk membuat aduan mengenai produk atau perkhidmatan yang disediakan oleh kami, anda boleh menghubungi kami melalui: -

AmBank Contact Centre
No. Kotak Pejabat Pos 12617, 50784 Kuala Lumpur,
Tel.: (603) 2178 8888
E-mel: customercare@ambankgroup.com

- Sekiranya anda tidak berpuas hati terhadap penyelesaian ke atas pertanyaan atau aduan anda, anda boleh menghubungi Bank Negara Malaysia LINK melalui: -

Blok D, Bank Negara Malaysia,
Jalan Dato' Onn,
50450 Kuala Lumpur.
Tel.: 1-300-88-5465
Faks.: 03-2174 1515
Laman web: bnmlink.bnm.gov.my

- Sebagai alternatif, anda boleh mendapatkan perkhidmatan Agensi Kaunseling dan Pengurusan Kredit (AKPK), sebuah agensi yang ditubuhkan oleh Bank Negara Malaysia bagi menyediakan perkhidmatan pengurusan wang, kaunseling kredit, pendidikan kewangan dan penstrukturran semula pembiayaan secara percuma kepada individu. Anda boleh menghubungi AKPK melalui:

Level 5 & 6,
Menara Aras Raya
(Formerly known as Menara Bumiputra Commerce)
Jalan Raja Laut, 50350 Kuala Lumpur
Tel.: 03-2616 7766
E-mel: enquiry@akpk.org.my

12. Di mana saya boleh mendapatkan maklumat lanjut?

Untuk butiran lanjut tentang manfaat, yuran dan caj produk, anda boleh melayari www.ambankgroup.com

13. Produk perdagangan lain yang disediakan:

- Jaminan Bank
- Jaminan Bank Atas Kaunter
- Penerimaan Jurubank
- Pembelian Bil Keluar Lansung
- Kutipan/Pembelian/Rundingan Berdokumen
- Pembiayaan Semula Kredit Eksport
- Pembiayaan Invois
- Pinjaman Perdagangan Mata Wang Asing
- Pendahuluan Kredit Pembungkusan
- Resit Amanah Ringgit
- Jaminan Perkapalan
- Surat Kredit Tunggu Sedia

PENTING! CAGARAN ANDA MUNGKIN DICAIRKAN SEKIRANYA JADUAL PEMBAYARAN TIDAK DIPATUHI

Maklumat yang disediakan dalam helaian pendedahan produk ini adalah sah dari 30 November 2023 sehingga kemas kini yang seterusnya. Sila layari www.ambankgroup.com untuk mendapatkan maklumat terkini.

Semua kiraan dan kadar di atas adalah untuk tujuan ilustrasi sahaja. Tertakluk pada terma dan syarat.

Penafian: Kemudahan sebenar yang akan disediakan oleh Bank adalah bergantung pada penilaian kredit anda yang dilakukan oleh Bank. Penghantaran helaian pendedahan produk ini kepada anda tidak mewujudkan apa-apa kewajipan oleh Bank untuk memberi anda apa-apa kemudahan.

Saya/Kami mengakui bahawa terma kontrak utama dan kewajipan kewangan saya/ kami di bawah produk kewangan ini telah dijelaskan dengan secukupnya kepada saya/kami oleh wakil sah daripada AmBank (M) Berhad.

.....

Nama:

Nombor KP:

Tarikh:

Atau

Untuk dan bagi pihak

No. Pendaftaran:

.....

(Penandatanganan dibenarkan/Pengarah)

Tarikh:

AmBank (M) Berhad (196901000166 (8515-D))

Ahli Kumpulan AmBank